



光緒丁亥年新鐫

醫門學子五

首則醫門初步二則藥性簡要
四則切總傷寒五則增補脉訣

光緒丁亥年新鐫

醫門初步

序

醫方捷徑珍珠囊原胡公淡先生之遺書而初學醫術之
門也但詞句繁多難以豁達今將簡要摘入一帖名曰初
步亦知醫之捷徑云爾

醫學五則序

醫之爲道何道也蓋君子之道也司馬溫公曰達則爲良相不達則爲良醫豈非君子之道乎余鄉前輩廖君號雲溪先生幼時苦讀儒書屢試不遇舍業而就醫學前而四大家後而五十家無不旁搜博覽因採羣書輯成醫門初步並藥性簡要湯頭歌括切總傷寒增補脉訣合其五卷更名曰醫學五則何謂五則各卷各門不得一類而名故曰五則先生苦心利濟不忍有秘不傳是亦醫中之君子也

本草引序

夫醫者意也藥不執方合宜而用投機應病則酌杯可以
起沉疴造妙通玄雖刀圭足以延壽考非惟愈疾亦可
頤生斯術之傳其來尚矣自神農嘗百草以濟蒼生逮
黃帝辨四方而興素問歷代之

聖君哲輔靡不留

心自古之孝子仁人咸知注意玉函金匱無非濟世之
良方紅杏青囊莫匪活人之秘興是以人生兩間身緣
四大感風寒暑濕之侵蒸或喜怒憂思之鬱結苦樂榮
悴悉損精神饑飽逸勞俱傷氣血真元纔觸景以中虧
邪氣即乘虛而外感有生難免具體皆然仲尼豈不能

避疾保身康子尤未免問安饋藥且藥性有寒熱溫毒
人稟有虛實盛衰未達其由豈可遽嘗必有恒心斯能
永濟望聞問切須詳審於臨診之時補泄宣通尤謹嚴
於投劑之際先後緩急有其序溫滑燥濕得其宜則到
口觸病應手輒効假如心胸飽滿服蘿蔔而寬舒肚腹
脹膨飲牽牛而快利麻黃發散入腸胃則汗流瓜蒂宣
通下咽喉而涎湧藥無不効用當極靈試嚼烏梅遽齒
酸而津溢纔吹皂角立鼻嚏以氣通啖荊芥則淚垂嚼
花椒而氣閉龜尿解禁鼠骨生牙磁石引鍼琥珀枳芥
膠續鱉膽分杯而投藕而不凝漆得蠟而自散葱

汁可以熬桂作水蟾膏乃能軟玉如泥凡物性各有不同在智者隨宜取用畧舉數端證驗以明一切殊功誠能識性知機用若通神人聖是以扁鵲華陀各展驚人_之技稚川思邈咸垂救世之慈每用單行或時兼便以爲一物專攻則氣純而急速數般相制乃味禱而效遲唯相須佐使者配合則併力以取功若相反畏忌者交參必爭讎而播毒當瘳轉劇貽患匪眇與其不能研精灼見孰若但從簡要易知抑且省其冗繁况復便於倉卒然藥之真僞休戚所關方之否臧安危是繫必合精詳有據豈宜滅裂無宗須哀衆善之長庶合萬全之効

取其易捷不特便於旅途拔其精華實有利於人已授
諸例以分門比諸類而列款舉冊可以對症求方療疾
更宜隨時用藥雖同一症詳其新久重輕必按諸方慎
擇剛柔緊慢如纏膚腠但用輕清若固膏肓必施瞑眩
況風土有炎涼之異氣稟有厚薄之殊貴人富室治亦
異乎貧窮處子尼孀療難同於妻妾要在知之審而見
之明尤必製之精而用之當炮炙煮灸雷公論之甚詳
表裏陰陽岐伯言之至備蓋以四海之廣兆民之衆札
瘥時行非醫莫療今予擇諸方類爲一帙以便仁人之
檢用蓋施藥不如施方意也是爲序

藥性賦

濟世之道莫先於醫療病之功莫先於藥醫乃九流魁首
藥爲百草根苗丸散未修藥性先識故云礪砂有爛肉
之功巴豆有透腸之方丁香和胃乾姜快胸熟地黃補
虛損大有奇功生地黃通血脈誠爲至品青皮陳皮最
能理氣石脂龍骨極好生肌良姜性熱得菖蒲好治心
疼硃硝大寒人大黃可通臟結乳香沒藥止痛爲先荆
芥薄荷消風第一金沸草欬冬花能醫咳嗽天南星兼
半夏最化痰涎五靈脂專能治氣玄胡索佐之尤良黑
牽牛極利小便加滑石助之更美硃砂祛邪伐惡犀角

療風治狂蒿蓄瞿麥治膀胱有疾芫花甘遂治水蠱偏
宜蘆薈蟾酥療小兒疳患蛇床杏子治諸疥蟲瘡河北
團參亦治咳嗽江南蛤蚧單療肺痿黃連厚腸兼能洗
眼明目栝榔下氣又可退翳除昏甘菊花清心利頭赤
茯苓利水破氣枳殼厚朴快氣寬腸桔梗枳實開胸快
膈香附子破血治衄骨碎補止痛住疼木香沉香分氣
降氣麻黃桂枝發汗止汗當歸活血茵陳退疸生姜止
嘔人參潤肺尤佳白朮補中肉蔻止瀉甚美川芎石羔
最治頭疼柴胡黃芩能除身熱蒼朮除濕猪苓去水五
味生津烏梅止渴川烏草烏入骨搜風附子天雄回陽

返本宿砂紅豆消食補虛梔子連翹開心利熱葛根
渴又能開腠除風黃蘗消瘀亦可敷瘡退如此其大畧
而言本草具陳於左

引經報使藥歌

小服朋朮屬太陽藁本羌活是本鄉三焦膽與肝胞絡少
陽厥陰柴胡強大腸陽明并足胃葛根白芷升麻當太
陰肺脉中焦起白芷升麻葱白鄉脾輕少與肺部異升
麻兼之白芍詳少陰心經獨活主腎經獨活加桂良通
經用此藥爲使豈能有病到膏肓

六陳歌

枳殼陳皮半夏齊麻黃狼毒及茱萸六般之藥宜陳久入藥方知奏効奇

十八反歌

本草明言十八反逐一從頭說與聽人參沙參與芍藥玄參紫參及細辛苦參丹參共八味一見藜蘆便殺人白芨白欬并半夏瓜蒌貝母五般直莫見烏頭與烏喙逢之一反疾如神大戟芫花兼海藻却與甘遂四般并若遇甘草同煎服縱有良醫活不成外有六般相反物切須避忌認之真蜜蠟莫與葱相見藜蘆勿使酒來侵石決明休見雲母犯下之時禍不輕

十九畏歌

硫黃原是火之精，朴硝一見便相爭。
水銀莫與砒霜見，狼毒最怕蜜陀僧。
巴豆性烈最為上，偏與牽牛不順情。
丁香莫與鬱金見，牙硝難合荊三稜。
川烏草烏不順犀，人參最怕五靈脂。
官桂善能調冷氣，若逢石脂便相欺。
大凡修合看順逆，炮煨燂火莫相依。

妊娠服藥禁歌

玃班水蛭及車蟲，烏頭附子配天雄。
野葛水銀並巴豆，牛膝薏苡與蜈蚣。
三稜芫花代赭石，麝大戟蟬蛻黃雌雄。
牙硝芒硝挂丹桂，槐花牽牛皂角同。
半夏南星與通草，瞿

麥乾姜桃仁通硃砂乾漆蠟瓜甲地膽茅根都失中斑
蝥荷葉馬齒莧犀角牛黃不可從禹餘糧其赤石脂浸
香衛茅治末工榆白皮偕預知子伏龍沒藥莫相逢王
不留行赤小豆王瓜商陸勿使攻神曲麥芽車前草只
穀只實用亦凶元胡故紙吳茱萸麻仁蒺藜並木通槐
實黑姜冬葵子滑石厚朴記在胸外有破氣破血者仔
細斟酌更有功

炮製藥歌

羌花本利水非醋不能通萊豆大
消膨效連殼反脹胸黑丑生利
解毒帶殼不見功草菓
水遠志中毒逢蒲黃生

通血執補血連通地榆醫血藥
氣留白補胃中附子救陰藥生
生用使人衆人言燒過用赭石
度必須工川芎炒去油生用氣
奪化工
用走皮風草烏解風痺
火烱紅人醋能爲末製
止痛炮煉當依法方能

諸中風對症用藥歌

中風之症多般類偏枯風痺并風
人心肝脾腎腦半身不遂肉頑
足抽掣痰涎壅營衛因虛所由
藥順氣當先試小續命兼排風
湯甚者三生飲爲最

烏藥順氣散

烏藥

陳皮

羌活

枳殼

姜虫

川芎

白芷

甘草

麻黃

桔梗

小續命湯

麻黃

人參

黃芩

芍藥

防己

甘草

川芎

肉桂

防風

附子

杏仁

排風湯

白朮

當歸

辣桂

川芎

杏仁

防風

獨活

麻黃

甘草

白芍

白蘇皮

白茯苓